



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-5789-3
Sarajevo, 06.02.2020. godine

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2019. godinu, imenovane Rješenjem broj 05-1-14-4-1920 od 28.03.2019. godine i izmjenom Rješenja broj 05-1-14-4-1920-1 od 12.04.2019. godine u postupku javne nabavke usluga tehničkog pregleda motornih vozila za potrebe Ministarstvo unutrašnjih poslova Kantona Sarajevo, ministar unutrašnjih poslova Kantona Sarajevo,
d o n o s i

O D L U K U
o izboru ponuđača za nabavku usluga tehničkog pregleda motornih vozila
Ministarstva unutrašnjih poslova

I

Na osnovu Odluke broj 01-14-4-5789 od 17.10.2019. godine i Obavještenja o nabavci broj 1364-7-2-50-3-41/19 od 01.11.2019. godine, proveden je konkurentski zahtjev za dostavu ponuda za nabavku usluga tehničkog pregleda motornih vozila Ministarstva unutrašnjih poslova Kantona Sarajevo.

Komisija je shodno Zakonu o javnim nabavkama BiH, primjenjujući kriterij "najniža cijena", dala preporuku da se donese Odluka o dodjeli ugovora sa zaključivanjem okvirnog sporazuma na dvije godine ponuđaču „ASA Assistance“ d.o.o Sarajevo u iznosu od 2.442,45 KM sa PDV-om.

II

Po okončanju roka za žalbu, ugovorni organ će pozvati izabranog ponuđača radi zaključivanja okvirnog sporazuma i pojedinačnog ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-14-4-5789 od 17.10.2019. godine i Obavještenja o nabavci broj 1364-7-2-50-3-41/19 od 01.11.2019. godine, proveden je konkurentski zahtijev za dostavu ponuda za nabavku usluga tehničkog pregleda motornih vozila Ministarstva unutrašnjih poslova Kantona Sarajevo.

Dana 11.11.2019. godine u 12 sati Komisija je pristupila otvaranju prispjelih ponuda o čemu je sačinjen Zapisnik o otvaranju ponuda i dostavljen svim ponuđačima u zakonskom roku.

Dostavljene su ponude sljedećih ponuđača:

1. „Centrotrans eurolines“ d.o.o. Sarajevo,
2. „ASA Assistance“ d.o.o. Sarajevo
3. „Autocentar“ d.o.o. Sarajevo,
4. „Osing“ d.o.o. Sarajevo,
5. „Ahmespahić Petrol“ d.o.o. Sarajevo

Pregledom i analizom dostavljenih ponuda, Komisija je utvrdila da su u postupku nabavke bila postavljena dva pitanja od strane ponuđača „Ahmespahić Petrol“ d.o.o. Sarajevo na koja je odgovoreno u zakonskom roku, a dokumentaciju je preuzelo 10 ponuđača.

Nakon isteka roka za žalbu na Zapisnik sa otvaranja ponuda Komisija je pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima o čemu je sačinjen Zapisnik o pregledu i ocjeni ponuda od 19.01.2020. godine.

Zapisnikom je konstatovano da dostavljene ponude ispunjavaju sve uslove predviđene tenderskom dokumentacijom i da su formalno-pravno ispravne i kvalifikovane, osim ponude ponuđača „Autocentar“ d.o.o. Sarajevo koji nije ispunio uslov za kvalifikaciju iz tačke 12.2 Ekonomska i finansijska sposobnost -Tenderske dokumentacije, odnosno na dostavljenoj potvrdi od banke nije navedeno da je to glavni transakcijski račun, a nije dostavio ni izvod iz Centralne banke BiH iz kojeg je vidljivo koji je Glavni transakcijski račun.

Svi ponuđači su dostavili potvrde Vanjskotrgovinske komore BiH – preferencijalni tretman domaćeg tako po tom osnovu ni jednom ponuđaču nije data prednost prilikom vrednovanja ponude.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa čl. 65. i 70. Zakona o javnim nabavkama BiH („Sl.glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli ugovora u postupku usluga tehničkog pregleda motornih vozila Ministarstva unutrašnjih poslova Kantona Sarajevo ponuđaču „ASA Assistance“ d.o.o. Sarajevo u iznosu od 2.442,45 KM sa PDV-om za dvije godine na koliko je predviđeno zaključivanje okvirnog sporazuma.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama BiH.

DOSTAVITI:

1. Ponuđačima x5,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

